

Rapport dalla sessiun dil cussegl da vischnaunca dils 16-11-2015

Tractanda 1

Approbaziun dil protocol dalla sessiun dils 28-07-2015

Il protocol dalla sessiun dils 28-07-2015 vegn approbaus en votaziun unanima cun engraziament.

Tractanda 2

Elecziuns dil biro cussegl dil cussegl

Per igl onn d'uffeci 2016 vegnan las suandontas persunas elegidas:

- a) President dil cussegl:
Kurt Wolf
- b) Vicepresident dil cussegl:
Donat Albin
- c) 2 dumbravuschs
Flurina Decurtins
Philippe Vincenz
- d) 2 suppleants da dumbravuschs:
Adrian Maissen
Mario Lechmann
- e) Protocollista:
Sandra Gautschi

Tractanda 3

Preventiv 2016

Il preventiv dil quen current 2016 siara cun expensas da frs. 7'569'400.- ed entradas da frs. 7'387'500.-, pia cun in deficit da frs. 181'900.- suenter haver fatg tier la facultad administrativa amortisaziuns ordinarias en l'altezia da frs. 648'500.-, remess el fondo da meglieraziun frs. 60'000.-, el fondo da canalisaziun frs. 10'000.- e priu ord la finanziaziun speciala dil provediment d'aua frs. 6'700.-.

Il gudogn avon amortisaziuns munta à frs. 529'900.-

Enviers il preventiv 2015 muossa la vischnaunca ora in pli pign deficit. Il motiv principal persunter ei l'ulivaziun da finanzas limitada muort midada da sistem.

Las impurtontas posiziuns el preventiv d'investiziuns secumponan ord:

830.525	Emprest Campadi Ogha	frs.	1'500'000.00
620.501.17	Sanaziun da vias communalas	frs.	400'000.00
620.503.31	Avertura quartier d'industria Clius	frs.	82'000.00
790.581	Revisiun planisaziun locala	frs.	40'000.00
817.501.13	Project Via Munt	frs.	700'000.00

Il cussegl decida cun 13 : 0 vuschs da proponer per mauns dalla radunonza da vischnaunca d'approbar:

- **il preventiv dil quen current che siara cun expensas da frs. 7'569'400.- ed entradas da frs. 7'387'500.-, pia cun in deficit da frs. 181'900.-.**
- **il preventiv dil quen d'investiziuns che siara tier expensas da frs. 2'822'000.- ed entradas da frs. 600'000.- cun in surpli d'expensas da frs. 2'222'000.-**

Tractanda 4 **Fixaziun dil pei da taglia per igl onn 2016**

La suprastonza communal e la cumissiun da gestiun han examinau ils fatgs ed ein dil avis da restar per igl onn 2016 sin in pei da taglia da 105%.

Il cussegl propona cun 13 : 0 vuschs per mauns dalla radunonza da vischnaunca da fixar la taglia communal per igl onn 2016 sin 105% dalla taglia cantunala sempl.

Tractanda 5 **Verificaziun dils resultats dallas votaziuns communalas dils 30-08-2015**

Cusseglia Rafael Guldemann declara che Flurin Decurtins ed el hagian sco commembers dalla cumissiun per verificaziun da votaziuns communalas controllau ils resultats dallas votaziuns communalas dils 30 d'uost 2015 ed anflau tut en uorden. En num dalla cumissiun propona Rafael Guldemann da verificar ils resultats publicai.

En votaziun unanima verifichescha il cussegl ils resultats publicai dalla votaziun dils 30-08-2015.

Tractanda 6 **Pusseivladad da tschentar damondas**

Dalla pusseivladad da tschentar damondas vegn fatg diever.

Per il cussegl da vischnaunca

Il president	L'actuara
Flurin Decurtins	Sandra Gautschi